

良牧傳

沔陽志十六

爾朝夏侯恭叔爲竟陵令惠化大行木連理上有光如燭咸呂爲善政所致

梁裴邃字淵明河東聞喜人天監中竟陵太守開置屯田公私便之

韋放字元直京兆杜陵人天監中轉假節明威將軍竟陵太守在郡和理爲吏民所稱

周裴果字戎昭河東聞喜人保定五年復州刺史性嚴猛能斷決每抑挫豪右申理屈滯歷牧

志十六

良牧傳

一

數州號爲稱職

史氏曰四公之政史畧之也然即其所稱足爲復之良牧矣

匡狄仁傑字懷英并州太原人中宗時豫州刺史初宰相張光輔討越王軍多暴索仁傑拒之光輔怒還奏傑不遜左授復州刺史故志云有惠愛徙洛州司馬天授二年呂地官侍郎同鳳閣鸞臺平章事武后謂曰卿在汝南有善政然有譖卿者欲知之乎謝曰陛下以爲過臣當改

之曰爲無過臣之幸也譖者乃不願知后嘆其長者

史氏曰梁公在復治蹟失紀然武后所謂汝南盖指復州所謂善政即志之惠愛也仁傑歷刺大州民輒勒碑構祠安知復人無是事邪至其不問譖者盖自信其無愧於復矣

五代晉郭延魯沁州綿上人也父饒爲沁州刺史有惠愛延魯曰善槩爲將遷復州刺史嘆曰吾先君爲沁州者九年民到于今思之吾今幸

志十六

良牧傳

二

得爲刺史其敢忘先君之志由是益以廉平自勵民甚賴之秩滿州人乞留不許遮道舉號當時刺史皆曰軍功拜言事者曰民力困敝之時不宜曰刺史任武夫恃功縱下爲害不細而延魯父子特以善政聞

歐陽修曰嗚呼五代之民何曰堪之哉上輸兵賦之急下困剥斂之苛自莊宗曰來方鎮進獻之事稍作至於晉而不可勝紀矣其添都助國之物動曰千數計至於來朝奉使買宴贖罪莫

不出於進獻而功臣大將不幸而死則子孫率  
呂家貲求刺史其物多者得大州善地盖自天  
子皆呂賄賂爲事矣於此之時循廉之吏如延  
魯之徒者誠難得而可貴也哉

宋朱昂字舉之潭州人端拱二年以轉運使直  
秘閣出知復州表求謝事不許在州多紀述昂  
富文學有清節後爲工部侍郎與弟協皆致政  
歸特被恩禮時人以比二疏

劉師道字損之一字宗聖開封東明人真宗時  
志十六 良牧傳 三

樞密直學士責爲忠武軍行軍司馬起爲工部  
郎中知復州換秀潭二州師道敏於吏事所至  
有聲吏民畏愛

王琪字子玉成都華陰人後徙舒景祐中知復  
州治效顯著稱爲循吏民歐佃客死吏論如律  
琪疑之留未決已而新制下凡如是者聽減死  
郡人德焉嘗建夢野竒觀亭

琪詩風迷楚客傷  
春野山晦荆王夢

天雨

唐介字子方荆南人舉進士仁宗朝爲諫官呂

言事屢貶改知復州召爲殿中侍御史遣使賜  
告趣詣闕下入對帝曰卿被謫以來未嘗呂私  
書至京師可謂不易所守介頓首謝言事無避  
如前子淑問亦通判是州

宋名臣言行錄云改復州未至召充御史

今從本傳

万俟湜大觀中知復州公勤清約有善政州人  
稱之曰前有王琪後有万俟

史氏曰數公皆宋名臣足呂爲復重而昂湜之  
清節師道琪之治效介之直道又皆於復有遺

志十六

良牧傳

四

愛焉詩云樂只君子民之攸墜其斯之謂夫  
張耒字文潛楚州淮陰人弱冠第進士遷秘書  
正字著作郎史館檢討居三館八年顧義自守  
泊如也紹聖初知潤州坐黨籍謫監黃州酒稅  
徙復州作鴻軒呂居植薔薇其側後起通判黃  
州爲詩別之後竟呂謫卒耒偉儀觀有雄才時  
蘇黃旣歿耒獨存士人就學者甚衆  
楊文仲字時發眉州彭山人旣冠呂春秋貢寶  
祐元年登進士調復州學教授文仲明伊洛之

學轉運使印應飛辟入幕明嫠婦冤獄應飛悉從其議且薦之荆湖宣撫使趙葵署文仲佐分司幕姚希德江萬里合薦文仲學爲有用後至國子祭酒

史氏曰耒之監稅文仲之教授職雖優閒然風聲教化之所被賢於政令遠矣

元白景亮字嗣甫南陽人明漉律善書筭至正間呂南恩知州遷沔陽府尹民徭多偏重景亮分其戶爲三等九甲由是遂均景陵至府河頗

志十六

良牧傳

五

迂乃於縣南濬河徑達漢江民便之號曰便河時掘地得石刻曰白公溝民尤異焉又作浮橋以利涉民德之奏最于朝特授衢州路總管景亮性廉介勤苦自奉甚薄妻尤儉約惟呂脫粟共飯而已事聞特詔褒美賜呂宮錦張寬至正間沔陽府尹有廉能聲嘗值歲澇民不聊生即請於朝給粟賑恤一郡之民賴呂生全

史氏曰景亮勝國之循吏載在元史呂今視之

無愧也寬振災恤患號稱廉能亦無愧景亮矣  
皇<sub>明</sub>王孟福建福清人初任翰林五經博士永  
樂中遷沔陽知州優於文學呂廉自持且善撫  
字後卒于官民至今稱之

李震永平撫寧人宣德中知沔陽剛介不阿勤  
於撫字嘗修飾學校後呂老去民弗忍舍  
鄒烜福建建寧人正統初呂御史遷知沔陽修  
築隄防有功于民

鍾順字必華廣東南海人貢士景泰中知沔陽  
志十六

良牧傳

六

能聲詩時江西周禮洪爲患荆沔順呂計擒殺  
之監利民來立生祠於滄浪之上後終廣西太  
平知府

史氏曰長民之道在興利除害而已四公者其  
庶乎良吏也哉

孫衍松江華亭人進士成化中知沔陽操履勤  
慎法令嚴明郡事無不修舉而案牘常清吏民  
畏愛號爲大治累官延平知府

史氏曰余聞長老言沔守當以衍爲稱首先中

憲亦云

董傑字萬英寧國涇人進士弘治初知沔陽時大旱傑即開廩賑之復蠲其租甫三月呂事就逮去乃悉取賑籍焚焉民感其意泣送滿路累官都御史

張弘宐字時措松江華亭人南安守弼之子也呂進士擢御史調蘄州判官弘治間遷知沔陽剛明有爲嘗水荒民饑調停賑恤全活甚衆境內淫祠毀之幾盡嘗過所知見小祠即於飲中撤之尤務教士無嘗至學堂課諸生加勞賚焉性坦夷與士大夫接破崖岸每造飲必賦詩揮翰郡人懷之累官廣西副使

史氏曰傑才識雄偉弘宐器度高雅究所施設皆不規規簿書間矣

徐咸字子正浙江海鹽人進士正德初除知沔陽初廟學敝陋銳志鼎建即首捐俸倡之民爭委輸比成規制弘敞公私無費又數行田勸農在州三年境內殷富累官襄陽知府

志十六

良牧傳

七

李濂字川父河南祥符人舉鄉貢第一登進士  
除知沔陽才器閎邁吏事精敏且呂儒學飾之  
詩文古雅爲耆稱尚政暇則引諸生開閣講論  
多所啓迪一耆士習爲之丕振累官山西僉事  
史氏曰余爲諸生嘗建事二公親見其行事皆  
大用才也及李公講藝余復卒業焉李公獨屬  
意余余賴造就爲多然余所自樹立汨汨無有  
也追念國士之期能亡忝乎詩曰有斐君子終  
不可諉此之謂也後李公竟呂才致謗遂被廢

志十六

良牧傳

八

此固古今才士之通憾也悲夫

儲洵字平甫揚州泰州人進士嘉靖初呂兵部  
郎中左遷知沔陽時郡數歉民力彫瘵洵下車  
拊循專務休息嘗振饑慮道遠煩民乃移粟分  
給所在沾被征需不急者一切罷止呂身任咎  
流亡盡復又講求禦澇之策地勢水道無不周  
知嘗上疏請修江漢堤防言甚剴切語在河防  
志仕終福建僉事

史氏曰洵爲沔時余方奉使過家目睹其政洵

本名家才高事練遭眚凶歉鎮靜簡又務爲安  
養遺愛所及視微名喜事者不侔矣隄防一疏  
萬世之利顧未之行也何哉

鍾曉字景暘廣東順德人貢士嘉靖初以御史  
左遷沔陽判官與洵同岢曉質性純厚政尚平  
易自奉甚約遷知歸州洵送之謂曰君如是而  
來如是而去無愧於沔矣累官思恩知府  
胡譽字實孚江西新喻人進士呂刑部主事左  
遷沔陽同知法律明習禁令嚴肅吏不敢欺嘗

志十六

良牧傳

九

僉民徭多所裁省卒于官

黃直字以方江西金谿人進士除漳州推官嘉  
靖初謫判沔陽直有志節性尤簡易出入屏除  
前呵嘗督民賦不嚴而辨尋呂憂去民爭送之  
或有所餽悉卻不受  
史氏曰曉長者也譽之政事直之志節有足稱  
者矣

陳璟福建莆田人貢士成化中沔陽學正勤於  
教誨規摹嚴整每中夜躬課諸生勤惰必冠帶

而後出如是七年不懈士有去思

梁榦字本之常州武進人貢士正德初沔陽學  
正溫厚純篤生徒懷之典衡山東遷奉新知縣  
徐璉字良噐浙江開化人學正曦之曾孫也正  
德中沔陽訓導德性溫純士類敬服遷綿州學  
正

王鏊字鼎文福建閩縣人貢士嘉靖初沔陽學  
正性噐深沉文學優贍生徒多所啓迪嘗修禮  
噐纂學志時提學副使關中許宗魯雅重之遷

志十六

良牧傳

十

壽州知州

史氏曰校官前此者莫悉其行事璟者郡人所  
誦說梁徐二先生余師鏊則余友也故知之頗  
詳云

張天麟荊州荊門人歲甲辰

皇祖旣平江漢以天麟知景陵與指揮李廷琛  
修築城堞協力保障有功于民子孫因家焉  
嚴貞浙江秀水人洪武中知景陵故志云廉介  
有爲孜孜愛民

楊季安字懷忠江西安福人監生宣德中知景陵邑地卑永樂時大水城邑俱壞季安至乃大修護城隄防水患遂息士民至今德之顧行字正道常州江陰人監生正統初知景陵修葺學校濬築堤塘士民懷之

史氏曰天麟草昧之初季安昏墊之際併能竭力捍禦非保我子孫黎民者歟貞行承天麟季安之後要皆克繼其功矣

姜綰字玉卿江西弋陽人進士成化庚子知景志十六

良牧傳

十一

陵時制度簡陋蠹弊荐深綰既爬剔復爲規畫巨細畢舉興學墾田民懷吏畏尤呂文章饒吏事有所創置輒爲記述六年之間文治蔚然擢南京監察御史累官河南按察使

應城肇清去思碑文多不

復載

史氏曰余嘗過縣父老云綰之來也人多曰少年易之及見其爲政始錯愕嘆服也綰志大才雄事多援古其言雖不盡孚然豈簿書吏所能及哉

周端字德莊揚州高郵人貢士弘治戊午除知景陵爲人整飭賦性嚴介扶善鋤惡遇事敢爲廢弛之餘政賴修舉卒于官

左輔寧國涇縣人進士正德丙寅除知景陵政尚平恕不事表暴盡心撫字民服其化有古循吏風

陳良玉字德夫四川富順人進士正德辛未除知景陵識度深遠操履方潔事無易劇必審的而後發無弗奇中賢不肖咸服其公明昔單騎

志十六

良牧傳

十二

出行田間勸課農桑尤注意學校暇則與諸生講論日晏不倦士亦鼓舞其教一邑翕然稱治初邑城多圯至是大舉築甃期年而畢雉堞堅完民無勞費徵爲監察御史未幾卒邑人思之來亨河南汲縣人貢士正德乙亥知景陵性剛直是非無所回撓孜孜呂裕民爲事上官遣人至縣門者但入其牒需求一無所與里甲月費不過錢計然亦坐此不便僅一年罷去史氏曰知縣自縮呂後端以果輔以恕亨以直

皆能顯名然惟玉爲取玉爲城峕經營暇裕不  
擾而工速其才豈易及哉即其所爲縮文而玉  
實矣

翁善字復初浙江烏程人貢士正統間景陵教

諭峕廟學敝甚善與主簿喬著協力修葺捐俸

倡先正德間士人祠之

李知州濂牒云官寒而  
修學宇世遠而起士思

習善字德純江西新淦人貢士成化間景陵教  
諭正身率物呂教化爲己任一峕士習爲之不  
變

志十六

良牧傳

十三

李翱字一鳳廣東番禺人貢士正德辛未景陵  
教諭富文學勤講授士躍然興起未幾以憂去  
至今稱善教者必曰李先生云

蔡德噐字世重浙江黃巖人貢士正德甲戌景  
陵教諭純心篤行得之天性外和內剛貴義賤  
利士人無不嚮服三年擢靜江尹諸生泣送出  
境

劉翹字伯舉江西安福人監生正德己巳景陵  
訓導學有造詣爲文典則一峕髦俊多受其益

遷彭山教諭

虞載字汝厚揚州泰州人監生正德丙子景陵  
訓導溫恭雅飭秩滿致仕去

劉鵬字于霄江西萬安人監生嘉靖甲申景陵  
訓導資性明敏學有造詣文多雅贍士類推服  
遷盱眙教諭

史氏曰景陵之師前此可稱者翁習而已正德  
呂還十餘年間李蔡諸君子相繼至士彬彬日  
盛科目至今不乏教化之於人也詎可誣哉

志十六

良牧傳

十四

贊曰濟濟師牧光我漢涯敷政闡教民恬士熙  
惠化旣洽寔維父師遺風懋烈永言勞思

名將傳

臯明吳復字伯起廬州合肥人生而沉鷲少言  
咲勇畧過人元季從

高皇帝征戰有功甲辰二月從征陳理于武昌  
下漢沔荊州諸郡授鎮武衛指揮同知守沔陽  
皆元同僉任亮擁兵安陸肆競復將兵自沔倍  
道徑擣生縛亮以歸改鎮其地後封安陸侯繪

像功臣廟乙叙已按七月河我傳

大祖與元擴廓帖木兒書曰閣下亮與字羅構

豐雌雄未決呂廓知院郭雲同僉任亮攻我景陵

掠我沔陽予思此城雖元故地久在他人之手

沈仁一名友仁濠州定遠人元季群雄四起仁舉義于鄉後歸

高皇帝從征有功歲乙巳授沔陽衛指揮同知

代吳復守禦修築城塹建置官署兵燹之餘民

恃呂安後累遷都督僉事

李廷琛一名琛景陵人從

志十六

良牧傳

十五

高皇帝平荆楚歲乙巳授景陵衛指揮副使

號令繕甲兵築城壘修屯田西禦王保保兵遇

鄧愈呂湖廣行省平章出鎮襄陽廷琛屬焉嚴

征討則備前驅鄉邑之民賴呂保障餘詳列傳

王閏字峇正廬州潛山人沔陽衛指揮僉事

呂薦超遷都指揮僉事掌湖廣都司事閏慷慨豁

達遇事敢為成化中勦平江寇建議設戍至今

賴焉榔桂師起呂閏督兵檄至即東檐呂行峇

方元旦不少需也因擒渠魁呂歸居家友愛尤

好尊禮士大夫搢紳亦愛重之嘗於東湖築兩  
松山閣招客賦詩翛然不知其武將也

牟斌韋璽俱錦衣衛指揮呂遴選視事北司正  
德初逆瑾擅權皆淮安知府劉祥忤中官瑾怒  
逮祥下獄使斌璽訊之兩人者明祥非罪瑾愈  
怒矯制謫斌璽沔陽衛百戶而祥竟論戍邊兩  
人單騎就道比至當路甚禮重之徙其居省城  
嘉靖初  
詔復其官而斌已先卒璽得

志十六

良牧傳

十六

命未幾亦卒兩人皆讀書能文斌純謹簡靜璽  
雅飭稍通融在邸舍中蕭然如儒生士論高之  
史氏曰江漢初平郡邑安堵三將之功何可忘  
也閨才畧恢豁斌璽抗節守義豈惟甲冑之英  
雖紳冕中亦已眇矣

贊曰虎臣開國爲郡保障矯矯三君厥維名將  
德烈雄偉才節閎壯

死事傳

采張榮京湖宣撫使吳獵將也開禧二年金人

圍襄陽德安游騎迫景陵獵使榮將兵援之金人再犯景陵榮死之

陳嘉言景陵人爲郡學諭開禧二年金人犯景陵城陷執嘉言衆脅使降嘉言厲聲罵賊自沉于水同室六人俱死

施子仁理宗嘗知復州端平三年元將蒙古忒木解攻襄陽江陵諸處皆隋守張龜壽荆門守朱揚祖郢守喬士安皆委郡去惟子仁固守城陷死之

志十六

良牧傳

十七

翟國榮咸淳八年九月爲復州副將皆元人寇復州國榮將兵戰于爛泥湖兵敗死之十月庚申贈復州團練使立廟復州官其二子

元咬住沔陽府達魯花赤至正壬辰竹山賊寇襄陽咬住與同知三山引兵遇孛羅帖木兒於監利進次潛江賊大至孛羅死之咬住回會徐壽輝陷沔陽咬住率妻子過柴林河曰水清得好俺一家就這裏死呵俱自溺

俞述祖字紹芳慶元象山人以翰林書筭調廣

東元帥府都事入爲國史院編修官已而出爲  
沔陽府推官至正十二年徐壽輝破武昌威順  
王及平章和尚並遁去賊又遣曾法興攻沔陽  
述祖領民兵守綠水洪并力捍禦不能支城陷  
被執械至壽輝所誘之使降述祖罵不輟口壽  
輝怒支解之有子方五歲亦死事聞贈奉訓大  
夫禮部郎中象山縣男

史氏曰人臣有封疆之任統馭之責遭眚搶攘  
或揮戈對壘或奮臂嬰城不幸破敗則委質而

志十六

良牧傳

十八

死固其分也然非志節堅定忠義激發鮮不詘  
於威武矣榮與國榮臨敵喪元子仁授命孤壘  
咬住蹈節清流嘉言述祖抗聲怒罵慷慨就義  
至今言之猶凜凜也非天下烈丈夫詎至是邪  
贊曰挺戈嬰鋒膏野塗地殉城執節蹈波赴義  
慷慨怒罵軀殞聲厲烈烈忠覲凜凜英氣

良牧名將死事傳